



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 12. Equestris Ordo S. Januarii a Carolo Neapolis Rege institutus & a Papa confirmatus.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

§. XII.

Sæc. XVIII.
A. C. 1738.*Equestris Ordo S. Januarii a Carolo
Neapolis Rege institutus, & a
Papa confirmatus.*

Postquam Carolus Borbonius utriusque Siciliæ Rex obtento Pontificio inaugurationis diplomate Regnum firmiter sibi assertum habebat, & aliunde cuncta rebus suis prospera fluebant, pro tanto beneficio, debitas Deo grates rependere statuit: Eapropter in honorem S. Januarii, qui specialis totius Neapolitani Regni Patronus erat, die tertia Julii hoc anno Equestrem instituit Ordinem edito desuper diplomate Regio. Rebus itaque omnibus ad hoc rite dispositis, unacum nova Regia Sponsa sua ad Ecclesiam Cathedralē huic Divo sacram magnifico prorsus comitatu ac pompa processit, ubi Cardinalis Spinelius Neapolitanus Archiepiscopus Sacrum solemne peregit, quo absoluto Rex ab eodem Cardinale præfati Ordinis insignia consueto ritu recepit, ac supremus hujus Ordinis Magister dici voluit, præfatamque Magisterii dignitatem Regno ejusque Successoribus perpetuo jure annexam fore, die tertia Augusti declaravit: Postea Mondillam Orsinium Capuæ Episcopum in totius Ordinis Cancellarium elegit. Sexta autem ejusdem Mensis die ritu prorsus

Sæc. XVIII.
A. C. 1738

solemni creavit sexaginta Equites, omnes aut Principes aut primæ Nobilitatis Viros, quorum numerum vel augendi vel minuendi libertatem sibi reservavit. Hos inter tum hæreditarius quoque Saxonici Electoris Filius numerabatur. Porro hujus Ordinis leges præcipue hæ erant. I. Equites in hoc præprimis gloriæ summam reponant, ut Religionem Catholicam cum vitæ etiam ac bonorum dispendio defendant. II. Dissidia & inimicitias fors inter suos Confratres exortas pro viribus extinguere satagant. III. Inviolabilem fidelitatem Regi suo etiam jurata fide promittant. IV. Quotidie sancto Missæ Sacrificio interesse studeant. V. Paschali tempore præcepto Ecclesiastico exacte satisfaciant, & die decima nona Septembris Divo Januario sacra Divino etiam Epulo pascantur. VI. Neminem ad duellum provocent, nec provocati quocunque ex prætextu compareant, sed litis suæ decisionem Regi relinquunt, ac demum omnem conatum adhibeant, ut pariter eos, qui huic Ordini non sunt adscripti, a duello revocent. VII. Pro quolibet defuncto Fratre solemnes exequias præter alias præscriptas preces celebrari curent: defuncti autem Equitis hæredes intra trimestre magnum Ordinis torquem aureum unacum Cruce remittere, & mortis

Sæc. XVIII.
A. C. 1738.

tis notitiam Ordinis Secretario denun-
 tiare teneantur, ut hic per literas en-
 cyclicas ceteros Equites de illius obitu
 mox certiores reddere queat. VIII.
 Omnibus sacris officiis, quæ Rex in
 honorem sancti Januarii Protectoris
 publice celebrari jubebit, cuncti inter-
 sint, utque Equites assiduam harum le-
 gum memoriam ac notitiam confer-
 vent, quilibet eorum, illas rite trans-
 scriptas secum deferat. IX. Equites
 magnum Ordinis torquem aureum &
 Crucem stematis sui insignibus inserere
 curent. X. Denique in omnibus suis
 actionibus & verbis virtutis ac hone-
 statis studium præferant &c. Cete-
 rum hujus Ordinis insigne erat Crux,
 in cujus quatuor extremitatibus Lili-
 um insculptum visitur, in medio autem imago
 S. Januarii Pontificali habitu insignis,
 prout in dextera tenet Pedum Pasto-
 rale, in sinistra Evangelii librum, &
 super hunc sanguinis sui ampullam
 cum hoc lemmate: *In sanguine fœdus:*
 Hanc Crucem Equites teniæ sericæ
 rubri coloris in memoriam hujus sancti
 Martyris appensam ab humero dextero
 deorsum sub sinistro brachio corpori cir-
 cumductam, & in sinistra ad pectus
 vesti assutam gestare teneantur: Deni-
 que nobilissimum horum Equitum in-
 stitutum Clemens Pontifex hoc item
 anno Apostolicis literis confirmavit,

Sæc. XVIII. & Benedictus XIV. postea Ordinis Offi-
 cialibus & Militibus plures gratias &
 privilegia indulfit, uti suo loco memo-
 rabimus: superest adhuc, ut ipsum Re-
 gis diploma hanc in rem editum tan-
 quam luculentum Regiæ pietatis mo-
 numentum Historiæ nostræ inferamus:
 En illius tenorem:

Carolus &c.

„Ex quo per Divinam providen-
 „tiam, quæ in Regum ac Principum
 „incolumitatem vigilat, utriusque Si-
 „cilix solium conscendimus, nostram
 „exaltationem luculentis fortunæ signis
 „præsertim per indubitatum certum-
 „que Divi Januarii primi ac potentis-
 „simi Protectoris patrocinium promo-
 „tam experti sumus. Eapropter om-
 „nes Regios nostros conatus ac curas
 „eo impendimus, ut populi nostro re-
 „gimini ac sollicitudini per Divinam
 „Majestatem commissi securitatem pro-
 „speritatemque omni, quo possumus
 „modo, firmare possimus; postquam
 „igitur armorum nostrorum potentia
 „terra marique plurimum excrevit, bel-
 „licusque apparatus, & quæcunque ab
 „eo dependent, optime sint instructa,
 „munimenta, urbesque reparatæ, &
 „ad necessariam defensionem sint mu-
 „nitæ, aliunde etiam efficacissimis tu-
 „tissimæ

„tissimisque mediis prospectum sit, ut
 „non modo Regium nostrum patrimo-
 „nium debita fidelitate administrari,
 „sed etiam nostris subditis prompta &
 „exacta justitia impendi queat, eoque
 „sine irrepentes corruptelas extermina-
 „vimus, novos Officiales creavimus,
 „novamque judicii normam nostris Cu-
 „riis præscripsimus, necnon cusis pro-
 „pmodum infinitis novis monetis, san-
 „ctis & statutis commercium multo
 „facilius reddidimus, ac denique Uni-
 „versitates ad pristinum splendorem,
 „& Regia Palatia ad decentem magni-
 „ficentiam reduximus; omnibus igitur
 „hisce sub nostro Regimine inchoatis,
 „& per Dei gratiam opemque ad feli-
 „cem exitum perductis, nihil magis
 „dignum æquumque fore judicavimus,
 „nisi ut omnium complementum per
 „singularem pietatis Religionisque
 „actum addamus, firmiter persuasi,
 „quod sola Religio sit unicum, idque
 „firmissimum fundamentum, cui vera
 „felicitas innitatur, ac conservetur;
 „nec inter has felicitates postrema ea
 „sit, qua nobis Divina Bonitas Regiam
 „Principem Polonicam Mariam Ama-
 „liam Walburgim solii nostri sociam de-
 „dit, ex qua Nos per Dei Gratiam ta-
 „les speramus Filios, qui Regiam no-

E 5.

„firam

Sæc. XVIII.
 A. C. 1738.

Sæc. XVIII. „stram profapiam, nostrorumque subdi-
 A. C. 1738. „torum prosperitatem perennem red-
 „dere valeant. Ut ergo pro tot bene-
 „ficiis piam nostram gratitudinem erga
 „Deum, nostrumque dilectissimum Pa-
 „tronum, Magnum Sanctum Januarium
 „publico testimonio exhibeamus, simul-
 „que eos, qui tam in Aulæ servitiis,
 „quam in castris suæ fortitudinis ac
 „fidelitatis luculenta Nobis dederunt
 „specimina, condigno honoremus præ-
 „mio, statuimus, Equestrem Ordinem
 „in honorem S. Januarii erigere atque
 „instituire, & ex plenitudine nostræ
 „potestatis sub tam gloriosi sancti pro-
 „tectione ac venerando nomine dotare
 „& fundare, cujus Equites non aliam
 „sibi præfixam habeant cynosuram,
 „quam veram honestatem, veramque
 „virtutem, cunctasque sibi concessas
 „dotes ac prærogativas non modo ad
 „sanctæ nostræ fidei defensionem atque
 „incrementum impendant, sed etiam
 „populo nostro per morum probitatem,
 „vitæque integritatem heroica pietatis
 „erga Deum, & fidelitatis erga suum
 „Regem exempla præbeant. Ut vero
 „Equestris hic Ordo jam proprio merito
 „clarus, insuper a suprema solii nostri
 „dignitate novum splendorem acqui-
 „rat, declaramus, Nos ipsos fore su-
 „premum ejus Caput & Magistrum,
 „hujus-

„hujusque Ordinis signa in vestibus
 „nostris, insignibus ac monetis circum-
 „ferimus, ipsamque supremi Magistri
 „dignitatem coronæ nostræ nunc & in
 „perpetuum incorporamus &c.

„Postea Rex Ordinis statuta, uti
 „supra, præscripsit, voluitque, ut pro-
 „pria equestris vestis sit purpureum pa-
 „ludamentum sericum aureis liliis ex-
 „ornatum, & albi coloris multitio sub-
 „futum, murisque pontici vellere di-
 „stinctum unacum duabus per corpus
 „defluentibus vitis sericis auro inter-
 „textis. Pileum vero gestent pendulis
 „albi coloris pennis decoratum, præter
 „majorem Ordinis torquem, cui an-
 „nexa Crux in omnibus publicis fun-
 „ctionibus portetur: toga autem, tu-
 „nica inferior & caligæ sint ex tela ar-
 „gentea, tibialia coloris ex rubro albi-
 „cantis, & balteum ejusdem cum pa-
 „ludamento coloris: Insuper Rex Or-
 „dinis Secretarium nominavit Cajeta-
 „num Mariam Brancone, cui incumbat
 „nobilitatis gradus unacum duobus
 „Equitibus examinare, & non tantum
 „de honestis eorum, qui Ordini sunt
 „adscribendi Natalibus, sed & de eo-
 „rum moribus, vitæ integritate, & Re-
 „ligionis Catholicæ studio juridicum
 „certumque testimonium dare, illudque
 „clausum Regi tradere.

Præ-

Sæc. XVIII.

A. C. 1738.

Sæc. XVIII.

A. C. 1738

Præterea idem Rex Mense Octobri novum Ordinem militare erexit sub invocatione S. Caroli, cujus ipsemet foret supremus Magister, Cancellarius vero Gallianus primarius Regis Sacellanus, & in Thesaurarium electus est Bossuetus.

§. XIII.

Status Ecclesiasticus in Gallis.

Singulari etiam studio Ludovicus XV. Franciæ Rex inter turbidas Questionistarum machinationes pacem Ecclesiæ reddere, refractarios poenarum severitate coercere ac Ecclesiæ disciplinam restaurare nitebatur; eo fine a Clemente XII. Papa Apostolicum impetravit diploma, vi cujus Parisiensi Archiepiscopo datum est negotium, ut Visitatoris Apostolici munere insignitus Congregationem Sanctimonialium de Calvaria lustraret, & Superiores ejusdem Instituti Majores pro culpæ modo ab officio saltem ad tempus amoveret. Ceterum de hac causa inferius plura. Interim idem Archiepiscopus Communitatem Orphanarum pueri Jesu destruere jussus erat. Mense autem Novembri Rex pro hæresum extirpatione publicas preces per Archiepiscopum indici præcepit; quocirca die vigesima
 tertia